

觀舞絕句五首

董就雄

嘻哈舞 (Hip-hop)

電流機械化身來，旋腳撐空手拍臺。
學子趨風餐寢廢，自憐自醉只堪哀。

社交舞

雙牽雙挽徐徐去，錯步昂腰款款回。
未學閱人先學舞，往還合轍是良才。

芭蕾舞

腳尖點地聚還開，鹿跳旋圈千百回。
手抱深情誰解意，素衣天使自蓬萊。

新疆舞

環手高低錯面開，熱情轉步話青梅。
鴛鴦邀客蹁躑舞，那管他人妒意猜。

觀舞論

芭蕾舞姿難共樂，社交媚俗興誰來。
韶華易盡嘻哈過，獨有新疆真意該。

城大校園漫步

秋日小徑

張為群

一夜商聲緊，小徑添新容。
碧池澄如鏡，落葉訴行蹤。

城大校園漫步

岑子祺

晨風閒步至，小徑海棠紅。
盡負花情意，沉吟課業功。

編者按、以上二首係城大新松詩社詩課之作。